

# Powšitkowne WOZJEWJENJA

njedźelu, 21. junija 2026

## **Nabožne wusyłanja w serbskim rozhłosu**

Katolske nabožne wusyłanje w Serbskim rozhłosu MDR ma tutu njedźelu, 21. junija, farar Měrcin Deleńk z Chrósćic. Wotkaz na nabožne wusyłanje w mediatece MDR je pod [www.posol.de](http://www.posol.de) podaty.

## **Ministrantska kopańca**

Koparski turněr ministrantow ze serbskich wosadow budže sobotu, 27. junija, w Pěs-kecach. Započatk je w 9.00 hodź. z Božej mšu we wjesnej kapałce.

## **Swjedźenske kemše z biskopom Timmereversom**

Drježdžansko-Mišnjanske biskopstwo swjeći lětsa 275. róčnicu wobstaća něhdyše-je Dwórskeje cyrkwy. Wjeršk swjatočnosćow budže pontifikalna Boža mša z biskopom Heinrichom Timmereversom njedźelu, 28. junija, w 10.00 hodź., kotraž chce sćelak MDR w rozhłosu originalnje wusyłać. Kemše tohorunja přez livestream přenjesu. Wotkaz k tomu je pod [www.posol.de](http://www.posol.de) podaty.

## **Lětni koncert w Radworju**

Chór Meja přeprašuje na swój lětni koncert, kotryž budže njedźelu, 28. junija, w 16.00 hodź. na farskej zahrodze w Radworju. Wot 15.30 hodź. poskića swačinu. Jako hosći su sej lětsa džěci rejwarskeje skupiny „Łužičanka“ přeprašyli.

## **Duchowna hudźba z kapałnikami**

Drježdžanscy kapałnicy wuhotuja njedźelu, 28. junija, na předwječoru patronatneho dnja Budyskeje tachantskeje cyrkwy swjateho Pětra, we 18.00 hodź. w Božim domje nyšpor duchowneje hudźby. Tež pónđelu, 29. junija, na swjedženju swjateju Pětra a Pawoła, budže na samsnym městnje pontifikalna Boža mša w 9.00 hodź., kotruž Drježdžanscy kapałnicy wobrubja. Pod nawodom katedralneho kapałneho mištra Christiana J. Bonatha zaklinča wjacehłósne twórby wšelakich epochow. Wšitcy zajimcy su wutrobnje přeprašeni.

## **Pječ lět Caritas Worklecy**

Dnjowa hladarnja Carity „Při Krabatowym puću“ we Worklecach woswjeći sobotu, 4. julija, swoje pjeclětne wobstaće. To chce z hosćimi před domom hladarnje Při zelenišćach 5 činić. Wot 16.00 hodź. zahudzi dujerska kapała Horjany a wot 19.00 hodź. přewjedže spěwny kwartet PoŠtyrjoch zjawnu probu. Čělnje derjeměće budže zaručene. Wšitcy zajimcy su wutrobnje přeprašeni.

## **Modlenje w Róžeńće**

Na modlenje róžowca a před Najswjećišim su wěriwi sobotu, 4. julija, we 18.00 hodź. do Róžeńčanskeje hnadowneje cyrkwy přeprašeni. Pačerje budu w serbskej a němskej rěči spěwane.

## **serbska super-app**

Serbskich digitalnych poskitkow je wjele. Kotre pak scyła wužiwamy? A kotre poskitki a funkcije hač do džensnišeho pobrachuja? K tomu je Beno Bržzan w nadawku Załožby za serbski lud krótke naprašowanje přihotował. Zaměr je, zo mnozy swoje mysle za přichod serbskich digitalnych poskitkow zapletu. Přerňa składnosć za to je, na prašenja w naprašniku wotmołwić. Wotkaz na naprašnik namaka so pod [www.posol.de](http://www.posol.de). Mjez wšitkimi wobdźělnikami wulosuja so tři dobropisy po 50, 30 a 20 eurach za Sundownerowu baru w Budyšinje.

## **Kubłanje na polu prewencije přećiwo seksualizowanej namocy**

Worklečanske dekanatne dušepastyrstwo za džěci a młodžinu poskićuje kubłanje k prewenciji přećiwo seksualizowanej namocy. Wone wotměje so pónđzelu, 29. junija, wot 16.30 do 19.45 hodź. we Worklečanskim Don Boskowym domje. Referentka je Juliane Neutsch-Hebeis. Za zarjadowanje, kiž budže w němskej rěči, měli so zajimcy pod [www.posol.de](http://www.posol.de) přizjewić. Ličba městnow je wobmjezowana. Prewencija přećiwo seksualizowanej namocy je wažny wobstatk džěła z džěćimi a młodžinu we wosadach. Zarjadowanje je winowatostne za wšitkich pomocnikow nabožneho prózdniškeho tydženja we wosadach, ale tež za dalšich čestnohamtsce skutkowacych, kotřiž maja tam zwisk z džěćimi a młodostnymi, na přikład w sakristiji abo ze šolu.

## **Putnikowanje do Krupki**

Lětuše putnikowanje młodžiny do Krupki je wot njeđzele do pjatka, 26. do 31. julija. Putniske kemše w Krupce budu srjedu, 29. julija, w 10.00 hodź. Štóž chcył kemši z busom sobu jěć, měł so w Radworskim Šmitec-Schwarzec wozydłownistwje přizjewić, telefonowe čisło (03 59 35) 28 60.

## **Swjedźenski dzeń we Vilémovje ze serbskim podžělom**

W sewjeročěskim Vilémovje (Wölmsdorf) spominaja lětsa na 300. róčnicu poswjećenja tamnišeje cyrkwyje Marije donjebjeswzaća. Tole kaž tež 200lětnje wobstaće putnikowanja k swjatnicy, kiž měješe sčasami wobšěrny serbski podžěl, chcedža na swjedženju Marije donjebjeswzaća, sobotu, 15. awgusta, wopominać. Wosebje Łužicy Serbja su na to wutrobnje přeprošeni. Zdobom chcedža zarjadowarjo na tónle kapitl putniskich stawiznow dopominać a serbsku putnisku tradiciju zaso sylnišo do wědomja zwołać. W zhromadnym džěle z Budyskim Serbskim muzejom pokazaja we wobłuku wjesneho swjedženja wustajeńcy „Prjedy hač woteńdžeš“ a „PRISMA. Žiwjenje při Klósterskej wodze.“ Tež historiske wobrazy k putnikowanju, mjez nimi putnicy w serbskej narodnej drasće, móža sej wopytowarjo wobhladać. Wjeršk swjatočnosćow budže putniska Boža mša w 17.00 hodź. Hłowny celebrant budže Praski arcybiskop Stanislav Přibyl. Cyrkwinski chór Vilémova za tutu składnosć tež serbske kěrlušy přihotuje. Z tym chcedža tam swoju zwjazanosć ze Serbami zwuraznić. Po kemšach su wosadni a putnicy na zhromadny wjesny swjedzeń z pohosćenjom přeprošeni.